

Tus Neeg Tswj Xyuas (PIC)

YUAV TSUM MUAJ TUS NEEG TSWJ XYUAS TXHUA SIJ HAWM

Nthuav Txog Yus Txoj Kev Paub

Thaum muaj neeg tuaj soj ntsuam lub chaw ua noj, tus neeg tswj xyuas (PIC) yuav tsum nthuav txog nws txoj kev paub txog kev tiv thaiv kab mob los ntawm zaub mov. Tus PIC yuav tsum paub txog:

- Kev tiv thaiv kab mob los ntawm zaub mov:
 - Kev tu tus kheej huv si thiab kev ntxuav tes kom huv.
 - Kev tiv thaiv txhob kov cov zaub mov uas npaj los noj nrog yus txhais tes.
 - Kev tswj hwm sij hawm thiab txoj kev ua zaub mov kom siav (TCS).
 - Kev tswj cov zaub mov kom txhob kis kab mob los ntawm lwm yam (cross-contamination).
 - Kev tu thiab tswj lub chaw ua noj kom huv.
- Kev tiv thaiv kom cov neeg ua hauj lwm txhob kis kab mob rau cov zaub mov mus rau lwm tus, los sis rau cov uas kis tau kab mob yooj yim.
- Cov tsos mob uas zoo li cov kab mob kis los ntawm kev noj zaub mov tsis huv.
- Cov teeb meem uas tuaj yeem tshwm sim tau los ntawm txoj kev noj nqaij nyoos, los sis nqaij tsis siav txaus, nqaij qaib, qe, thiab ntses.
- Cov kev ua noj haus thiab sij hawm kom siav raws li TCS, hais txog kev khaws zaub mov txias thiab zaub mov sov cia, thaum ua noj, thaum muab thau, thiab thaum muab zaub mov rhaub dua.
- Seb cov dej siv rau lub chaw ua noj los qhov twg los, thiab kev tiv thaiv kom cov dej qias txhob sib xyaws rau hauv cov kav dej huv.
- Kev paub txog cov zaub mov uas phiv thiab cov tsos mob ntawm txoj kev noj khoom phiv.
- Kev paub txog cov khoom siv hauv chaw ua noj kom txaus thiab muaj kev nyab xeeb rau cov zaub mov.
- Cov txheej txheem ntxuav thiab tua kab mob rau cov chaw khoom noj kov raug.
- Kev paub txog cov khoom phom sij lom thiab kev khaws khoom cia, siv, thiab yuav ua cas muab pov tseg kom muaj kev nyab xeeb.
- Kev tswj cov khoom noj uas yuav, kom txhob muaj feem ua rau lwm tug muaj kab mob, thiab txoj kev kuaj txog cov zaub mov kom muaj kev nyab xeeb.
- Kev tswj raws cai ntawm tus PIC thiab cov neeg ua hauj lwm, kom txhob muaj teeb meem txog cov phiaj xwm HACCP.

Tus neeg tswj xyuas yuav tsum muaj peev xwm piav tau txog:

- Cov luag hauj lwm ntawm tus neeg tswj xyuas, cov neeg ua hauj lwm, thiab cov neeg saib xyuas cai.
- Yuav ua li cas yog hais tias cov neeg ua hauj lwm muaj mob, xws li, muab lawv tshem tawm, los sis txwv tsis pub lawv npaj zaub npaj mov.

Cov Luag Hauj Lwm Ntawm Tus Neeg Tswj Xyuas (PIC)

Tus neeg tswj xyuas lub luag hauj lwm yog tswj kom txoj kev npaj zaub mov nyab xeeb txhua lub sij hawm. Tus PIC yuav tsum xyuas kom:

- Txhua tus neeg ua hauj lwm qhia las nyas rau lub chaw ua noj, yog hais tias lawv muaj mob.
- Cov neeg ua hauj lwm uas muaj mob raug txwv los sis tshem tawm txhob npaj zaub npaj mov rau lwm tus, lub sij hawm lawv muaj mob.
- Cov neeg ua hauj lwm ntxuav tes kom huv si raws kev raws cai.
- Cov neeg ua hauj lwm muaj kev cob qhia zoo txog txoj kev tiv thaiv kab mob los ntawm cov zaub mov, thiab paub txog cov cai ntawm kev nyab xeeb, siv cov ntawv yas, rab diav tsho, rab rawg tais nqaij, hnab looj tes los muab zaub mov, los sis siv cov tshuab khaws khib nyiab kom raws cai.
- Cov neeg ua hauj lwm paub ntsuas raws li TCS txoj cai, hais txog kev khaws khoom noj txias thiab sov cia, kev npaj ua noj, thiab kev rhaub zaub mov kom raws sij hawm.

- Cov neeg ua hauj lwm yuav tsum tswj thiab saib xyuas kom cov zaub mov uas raws li cov cai teev tseg ntawm cov zaub mov sov thiab zaub mov txias.
- Cov neeg ua hauj lwm paub siv cov khoom tua kab mob ntxuav twj taig thiab npoo rooj tom qab ua noj haus tag.
- Cov neeg ua hauj lwm saib xyuas los sis lees paub tias cov zaub mov siv ua noj yeej xa tuaj los ntawm cov khw muag uas tau kev pom zoo.
- Cov neeg ua hauj lwm tau kev cob qhia paub txog kev nyab xeeb ntawm cov zaub mov, suav nrog kev paub txog cov zaub mov uas noj phiv.
- Muaj kev ceeb toom qhia txog txoj kev noj nqaij nyoos los yog nqaij tsis siav zoo.
- Cov neeg noj zaub mov uas mus daus mov noj ntawm rooj, yuav tsum paub tias lawv yuav tsum siv cov twj taig tshiab txhua zaus.
- Kev ua zaub mov noj yuav tsum tsis txhob ua hauv tsev ntiag tug los sis hauv ib lub chaw so chaw pw.
- Cov neeg uas tsis tau kev tso cai yuav tsum tsis txhob nkag mus rau lub chaw npaj zaub mov, chaw khaws zaub mov cia, los sis chaw ntxuav tais diav.
- Cov qhua sab nrauv, xws li cov neeg thauj khoom, cov neeg kho tshuab, los yog cov neeg tua tshuaj yuav tsum ua raws li cov cai teev tseg.
- Cov txheej txheem thiab cov hom phiaj yuav tsum ua raws nraim li tau sau tseg.